



Ioannes apud Belgas natus patria Sleidanus ex-
 titit, Anno circiter 1507. hic literarū amore post
 prima rudimenta percepta Louanium peruenit,
 atq; bonis artibus & linguis diligentem operā na-
 uauit. In ijs etiam adeo profecit, ut ibidem inter lin-
 guarum professores reciperetur. Postea sese Lute-
 tiam Parisiorum contulit, atq; sua eruditione & ra-
 ra eloquentia apud eius gymnasij professores ma-
 gnum sibi nomen comparauit, in quorum etiā nu-
 merum cooptatus fuit. Ibi cum aliquandiu māsis-
 set, tandem anno 1537 in Germaniam redijt, & reli-
 gionis causa Argentinam profectus est. In eo loco
 breui ob uirtutes in magnorum uirorum, ipsiusq;

Jacobi Sturmij, familiaritatem peruenit. Huic cum literarum studia placerēt,
 Ioannes currenti equo calcaria addidit, atq; ei persuasit, ut Argentinēsi repu-
 blicæ author esset, quò in celebri ea urbe collegium aperiretur. id quod etiam
 sequenti anno factum est. Tum uerò Ioannes instituendæ iuuentutis, & tan-
 quam in classes distribuendæ rationem, & uniuersam docēdi uiam senatui o-
 stendit, & post edito libro fufius explicauit.